

To'on yó'o kían nì taa San Pablo nì sa'an noó na ñoo Filipos

Ká'an Pablo ndisá'án

1 ¹ Yu'u kúu Pablo, ta kéchóoin xí'ín Timoteo noo Jesucristo, ta ká'an ndu ndisá'án xí'ín ndidaá ndo'ó, na kúu ñayuu Ndios sa'á ña kúu ndó kuendá Cristo Jesús, ndo'ó na ndéi ñoo Filipos xa'an, xí'ín na kómí choon ndáka na ndo'ó, xí'ín na ndíta xínkuáchí ini ve'e noo náta na ndo dákua'a ndó. ² Ta mií tatá yo Ndios xí'ín sato'o yo Jesucristo ná kee na ña manì xí'ín ndó, ta ná kì'o na ña koo va'a ini ndo.

Ká'an Pablo xí'ín Ndios sa'á na kúu kuendá Jesús ndéi ñoo Filipos

³ Ta náki'oi ndivé'e noo Ndios, na ndáño'o yó, sa'a ndo'ó tá iin rá iin ndíko'on ini ndo'ó. ⁴ Tá ká'in xí'ín Ndios sa'a ndo, daá kuití vá ká'in xí'ín ná xí'áan kádi inì sa'a ndidaá ndo'ó, ⁵ chí nda mií sa'a, ta nda viti chindeé ndó yu'u kéchóon dáó yó sa'á to'on va'a sa'a Jesús. ⁶ Sa náá va'a va yu'u ña mií Ndios, na nì kedaá xí'ín ndó, dá nì kasá'á ndó kéchóon va'a ndó noo ná, mií jí vá ná chindeé ndó, dá xinkuei va'a ndó nda ná kasandaá kuu nandió koo Jesucristo kasaa na. ⁷ Ta miífan kánian ña dión nákanì ini sa'a ndo, chí kú'u nda'o ini sa'a ndo. Tá nákaai ve'e kaa, o tá nákaai chindeéi ña ndaa sa'a Jesús noo ñayuu, o tá nákaai dáxino ini ñayuu ña to'on ndaa kúu to'on va'a sa'a Jesús, chindeé ndó yu'u noo ndidaá ña manì kée Ndios xí'ín. ⁸ Xí'o mií Ndios kuendá sa'á ña kú'u nda'o ini sa'a ndo táto'on kì'o kú'u ini Jesucristo sa'a iin rá iin yó. ⁹ Ta xíkai noo Ndios ña ná kutí ndó xí'ín ña kú'u cháá ka ini ndo sa'a dao ka ñayuu, ta ná kutí ta'ani ndó xí'ín cháá ka ña ndichí xí'o Ndios, ta ná koo cháá ka ñaxintóni noo ndo, ¹⁰ dá ná kandaá ini ndo ndí kían va'a cháá ka kee ndó, dá koni ndo kakuu ndó ñayuu ndaa, ñayuu ndaa vii nda ná kasandaá kuu nandió koo Cristo kasaa na, ¹¹ dá xinkoo ndi'i ndó xí'ín ña va'a kée ndó sa'á ña ió Jesucristo xí'ín ndó, dá ná nakì'o ñayuu ñaño'ó noo Ndios, ta ná keká'ano ñaá ná.

Takí va Pablo kée na ña kóni Jesucristo

¹² Kóni ña kana'á ndó, ñani, ña ndidaá tandó'ó ndó'i kían kedaá, sa'á ñoo seíd'ó cháá ka ñayuu to'on va'a sa'a Jesús. ¹³ Dá chí ndidaá soldado ndéi noo dándaki ta né'e choon yó'o xí'ín dao ka ñayuu ná'á va'a ña nákaai ve'e kaa sa'á ña kéchóoin noo Cristo. ¹⁴ Ta kua'á nda'o ñani yo nì natiin cháá ka tandeé ini noo sato'o yo Jesús sa'á ña nákaai ve'e kaa, sa'á ñoo nì ndundéé cháá ka ini ra dána'a ra sa'á to'on va'a sa'a Jesús, ta ni ko yu'ú ra.

¹⁵ Ta miían ndaa kíán ña dána'a dao ɬa to'on Cristo xí'ín ña u'u ini ra, ta sa'á ña kátoó ra chidáó tá'an ra xí'ín. Tído ió dao ka ra dána'a xí'ín ndino'o ini mií rá. ¹⁶ Chi ió dao ɬa dána'a to'on Cristo sa'á ña kátoó ra chidáó tá'an ra xí'ín yu'u, ta ko dána'a raán xí'ín ndino'o ini ra, chi ndúkú rá ña dándi'i ini ra yu'u nani nákaa ve'e kaa yó'o. ¹⁷ Tído dao ka ra dána'a sa'á ña kú'u ini ra sa'a yú'u, chi ná'á rá ña nákaa ve'e kaa sa'á ña chindeéi to'on va'a sa'á Jesús. ¹⁸ ¿Ndi koo, tá dáá? Tído ko né'e ɬándini á dána'a ra sa'á ña u'u ini ra, o sa'á ña kúú rá ñayuu ndaa. Xían nani dána'a ra ña ndaa sa'a Cristo, kádii nda'o ini, ta daá ná kadii va ini.

¹⁹ Dá chi sa ná'á vá yu'u ña sa'á ña xíka ndo ña mani noo Ndios sa'í, xí'ín sa'á ña chindeé ñaá Espíritu Jesucristo, sa'á ñoó xinkoo va'a va ndidaá ña ndó'i, dá kanai ve'e kaa, ²⁰ chi ndáti kíí, ta ió ɬandeé iní ña o káka'an ta'on noo yú'u sa'á ni iin ña'a kéei. Di'a kónii koo ndeé iní, táto'on ki'o daá kuití kéei, dá ná natiin ta'ani Cristo ñañó'ó sa'a yú'u viti, á mií takí o á mií ni xi'ii. ²¹ Dá chi noo mií yu'u kíán di'a: xían nani takí, kéei ña kóni Cristo va, tído tá ni xi'ii, ni keva'a cháa kai. ²² Tído tá ió ña kechóon cháa kai noo Ndios xían nani ndíxii yikí koño yó'o, dá kían ko ná'í ndí kíán kaxii, á va'a ka katakii, o á va'a di'a ña kuui. ²³ Chi ko ni'í ndá kíán nakani ini sa'a ndi nduú ña yó'o, chi katoó ko'in noo ió Cristo, dá kooi xí'ín ná, chi ña yó'o kíán va'a cháa kaan. ²⁴ Tído káni cháa kaan ña kooi ñayuú yó'o, dá kuu chindeéi ndo'ó. ²⁵ Ta sa'á ña kándéé ini ña ki'o dión kíán, sa'á ñoó ná'í ña kooi cháa ka ñayuú yó'o, ta koo íí vái xí'ín ndidaá ní ndo'ó, dá kua'ano ndó xí'ín ña kándéé ini ndo Jesús, dá ná kadii cháa ka ini ndo noo ña ndaa kándísa yó. ²⁶ Ta ki'o dión, dá kéká'ano ndó Cristo Jesús sa'á ña ni kee na xí'ín yu'u, chi ki'o na ña saa tukui kooi xí'ín ndó.

²⁷ Tído noo ndidaá ña'a koo ini ndo kee ndó táto'on ki'o kánian kee na ndíta toon xí'ín to'on va'a Cristo, dá kíán tá ná saai noo ndéi ndó o o sái, kónii kandaá ini ña ndíta toon ndó, ta iin tó'on vá kúú ñaxintóni ndo, ta iin tó'on ni nduu ndi'i ndó kéchóon ndó sa'á to'on va'a sa'a Jesús, tá'an ña kándísa yó. ²⁸ Ta noo ni iin ña'a o sa yu'ú ndo kee na xini u'u ña kándísa yó, dá chi ñoó kíán xí'o ña kandaá ini ña ña naá vá ná. Ta ndo'ó kúú na kandaá ini ña ni'i ndo ña káki ndó, ta mií Ndios kúú na kee ndidaá ña yó'o. ²⁹ Dá chi sa'a Cristo, sa'á ñoó ni ni'i ndo ña kándísa ndó mií ná, ta o duú ña yó'o oon ni ni ni'i ndo, chi ni ni'i ta'ani ndó ña ndó'o níto ndo sa'a ná. ³⁰ Chi ndó'o níto ndo táto'on ki'o ni xini ndo ni ndo'o níto yu'u, ta ndó'o ta'ani ndó táto'on ni ni'i tó'on ndó ña ndó'o yu'u viti.

Ki'o di'a ni kee Jesucristo sa'a yo

2 ¹ Sa'á ñoó, tá miían ndaa ni natiin ndó tandeé iní noo Cristo, ta ni natiin ndó tandeé iní noo ná sa'á ña kú'u ini na sa'a ndo, ta iin ni nduu ndó ni kee Espíritu ná, ta ni ni'i ndo ña kú'u ini na sa'a ndo, ta ni ni'i ta'ani ndó ña ni ku'u ká'ano ini na sa'a ndo, ² dá kían dáxinkoo ndó ña kádii ini, ta koo ini ndo ña iin tó'on ná kakuu ñaxintóni ndo, ta ku'u sátá'an ini ndo sa'a ndo, ta iin ná kakuu ndó, ta iin tó'on ná kakuu ña nákani ini ndo. ³ Ta o sa ndúkú ndó ña chidáo tá'an ndó xí'in dao ka ñayuu, ta o sa chíndaya'i ndó mií ndó. Di'a nda'í koo ini ndo, ta kee ndó kuendá ña ndáya'i cháá ka dao ka ñayuu o duú mií ndó. ⁴ Ta o sa ndí'i téi ini ndo sava'a sa'á ña kóni mií ndó, di'a ndi'i ini ndo sa'á ña xínñ'ó dao ka ñayuu. ⁵ Ta koo ini ndo kando'o ndó xí'in dao ka ñayuu táto'on ki'o ni ndo'o Cristo Jesús xí'in yó, ⁶ dá chi iin nóó kúú vá ná xí'in Ndios, tído ko ní taó kuendá ta'on na ña iin nóó kúú ná xí'in Ndios, chi ko ní kée na sa'a mií ná, ⁷ sa'á ñoó ni dánkoo na ña ndato kúú ná, dá ni ndee na mií ná kúú ná iin na xínkuáchí, chi ni ndee na mií ná ni sa kuu na iin taa ñayuu. ⁸ Ta nani ni sa kuu na iin taa ñayuu yó'o, dá ni kenóo cháá ka na mií ná, dá chi sa'á ña ni seídó'o na Ndios, sa'á ñoó ni xi'o na mií ná ni xi'i na, ta nda ndika iin cruz ni xi'i na. ⁹ Sa'á ñoó ni chíndaya'i ñaá Ndios ña kakuu na na ndáya'i cháá ka, ta ni xi'o na iin kuu ndáya'i cháá ka noo ná noo ndidaá ka kuu. ¹⁰ Sa'á ñoó nata'an ndidaá tá'an kondó na ndéi induú, xí'in na ndéi noñó'o yó'o, xí'in na ñó'o tixi ñó'o noo Jesús, ¹¹ ta ndidaá tá'an yú'u nakoni ña Jesucristo kúú sato'o noo ndidaá tá'an ña'a, ta xí'in mií ná natiin tatá Ndios ñañó'ó.

Kúú yó de'e Ndios, sa'á ñoó kánian koo vii yo

¹² Ndo'ó, na maní mií, daá seídó'o ndó choon sa'ándái noo ndo, chi táto'on ki'o ni seídó'o ndó yu'u tá ni sa ioi xí'in ndó, ki'o dión seídó'o cháá ka ndo yu'u viti nani nákaa xíkái. Sa'á ñoó ndi'i ini ndo na'a ndo ña kúú ndó na ni káki ni kee Ndios. Ta kee ndóan xí'in ña yu'ú ndo ná, ta xí'in ña ndéi ñino ndó. ¹³ Dá chi mií vá Ndios kúú na xi'o ña kóni ndo kee ndó ña kóni na, ta xi'o ta'ani na ña kándéé ndó kee ndóan, chi ki'o dión náta'an ini na.

¹⁴ Ta noo ndidaá ña'a kée ndó, o sa kóo ini ndo ka'an kuáchí ndo, ta ná dá'a ni koo ini ndo chidáo tá'an ndó, ¹⁵ dá kían koni ndo kakuu ndó ñayuu koó kuachi xí'in ñayuu ndaa, dá kakuu ndó de'e Ndios ndaa vii tein ñayuu káni, na ko kée ña ndaa. Ta katoon ndo tein ñayuu ñoó táto'on ki'o tóon tiñoó tá iin naá. ¹⁶ Dión, dá ndita toon ndó xí'in to'on va'a ña xi'o ña kataki chíchí yó noó ñayuu. Dá kían, tá ná kasandaá kuu nandió ko Cristo kasaa na, ná kadii iní sa'á ña ko ní ndó'o oon nímaí, xí'in sa'á ña ko ní naá óon choon ni keei tein ndó. ¹⁷ Ta va'ará naki'in

tá'an ña ndó'i xí'ín ña dóko ndo noo Ndios, ña kúú ña kéchóon ndó sa'á ña kándéé iní ndo Jesús, tído kádií iní, ta kádií dáó ini yu'u xí'ín iin rá iin ndó. ¹⁸ Sa'á ñoó ná kádií ta'ani ini ndo, ta kandeí dii ndo xí'ín yu'u.

Tanda'á Pablo Timoteo xí'ín Epafrodito saꝝ ra ñoo Filipos

¹⁹ Kándéé iníi sato'o yo Jesús ña ná konó ná tanda'á yachíi Timoteo saꝝ xi noo ndéi ndó, dá kían ná kasto'on xi xí'ín ndí ndó'o ndó, dá ndundeé iníi sa'a ndo. ²⁰ Dá chí koó ka iin ka ta nákaa xí'ín nákani ini táto'on kí'o nákani ini mií xí, chí koó iin ka ra ndí'i ini sa'a ndo táto'on kí'o ndí'i ini xi sa'a ndo. ²¹ Chí ndidaá ka ñayuu ndí'i cháá ka ini sa'a choon mií ná, ta ko ndí'i ta'on ini na sa'a choon Cristo Jesús. ²² Ta ndidaá vá ndo'ó ná'á ña kéchóon ndaa Timoteo, ta ná'á ta'ani ndó ña kéchóon nduú xi xí'ín yu'u noo xionooi dána'i to'on va'a sa'a Jesús táto'on kí'o kéchóon nduú iin tatá xí'ín de'e ra. ²³ Ta tanda'í xi saꝝ xi noo ndéi ndó tá ni ndi'i ni kandaꝝ iníi ndi ndo'i. ²⁴ Ta kándéé ká'ano iníi sato'o yo Jesús ña kían konó ná yachí saꝝ noo ndéi ndó.

²⁵ Tído ni nákani iníi ña va'a cháá ka tanda'í Epafrodito saꝝ ra noo ndéi ndó. Ta ñanií kuendá Jesús kúú rá, ta kéchóon nduú ra xí'ín, ta chíndeé tá'an ra xí'ín naái xí'ín ña kini. Ta ndo'ó ni tanda'á ñaá ni kii ra ni chíndeé rá yu'u xí'ín ña xínñó'í. ²⁶ Tído ni tanda'í ra kosaa ra, dá chí kóni nda'o ra koo ra xí'ín ndidaá ní ndo'ó, ta ví'í ka ví ni kasá'á kúnda'í ini ra, dá chí ni kandaꝝ ini ra ña ni ni'i tó'on ndó ña ni sa kú'u ra. ²⁷ Ta miían ndaa kuiti ni sa kú'u ka'í ra, sa kua'an kuu va ra, ní kúu. Tído ni ku'u va ini Ndios sa'a rá, ta o duú sava'a sa'a iin tó'on mií rá ni ku'u ini Ndios sa'a, chí ni ku'u ta'ani ini na sa'a yú'u, dá kían ná dá'a ni ndo'o cháá ka nímaí sa'á ña kunda'í iníi sa'a rá. ²⁸ Sa'á ñoó ni ndi'i iníi ni tanda'á kííí ra kosaa ra noo ndéi ndó, dá ná kádií ini ndo tá ná koni ndo rá, dá ná koo va'a iníi. ²⁹ Ta kádií ini ndo natiin ndó ra táto'on kí'o kóni sato'o yo Jesús, ta naki'o ndó ñaño'ó noo ndidaá ka ra kée táto'on kí'o kée mií rá, ³⁰ dá chí sa kua'an kuu va ra noo choon Cristo, chí ni xi'o ra mií rá ña kían ndo'o ra díon, dá chíndeé rá yu'u noo iin rá iin ndo'ó.

Kóni Pablo kandaꝝ cháá ka ini na sa'a Jesús

3 ¹ Ta viti kían, ñani mií, ná kádií ini ndo xí'ín sato'o yo Jesús. Ko kuáchí ta'on kían noo yú'u nandió ko tukui taai ña sa ni taai kosaa noo ndo, dá kendakí ndo mií ndó xí'ín ña kándísa yó. ² Ta kandaꝝ ndo mií ndó noo ta kée táto'on kée tina ndúríkue'e, tá'an ra ko kée ña ndaa, ta kéndúsa ra xí'ín ndó ña ka'anda ndo ñíi ndo táto'on kée na Israel. ³ Ta viti ndaa kúú yó na ni ta'anda ñíi noo Ndios, chí ndino'o ini yo kéchóon yó noo ná kée Espíritu ná, ta sava'a Cristo Jesús kúú na kándéé ká'ano ini yo, dá káki yó, chí ko kándéé ka ini yo ña kée mií yó,

⁴ va'ará ió ña kandeé iní ña kakii xí'ín ndée mií. Tá ió dao ka na ká'an ña xí'ín ndée mií ná kandeé ná kaka na, tído yu'u, kua'a cháa ka ña'a ni kee yu'u, ⁵ dá chi tá ni xinoi ona kuu, dá ni ta'anda níí, ta kúúí iin ra ñoo Israel, ta ni kixii tein na ve'e Benjamín, ta ká'in yú'u hebreo, ta iin tooin xí'ín ley, chi kúúí iin ta fariseo, ⁶ ta ndí'i inii keei ña kóni Ndios, sa'á ñoo sa kendava'i xí'ín na kúú kuendá Jesús, ta sa kee ndi'ii choon sa'ándá ley. ⁷ Ta ni ka'ín ña ndidaá ña yó'o chindeé ñaá, dá kandaya'i noo Ndios. Tído viti kían ni iin ña'a ko ndaya'i ndidaá ña yó'o nooí sa'á ña kándéé inii Cristo. ⁸ Ta miian ndaa dión kían, chi ni iin ña'a ko ndaya'i ndidaá ña yó'o nooí, chi ña ndaya'i nooí viti kían kandaá cháa ka inii sa'a Cristo Jesús, na kúú sato'i, dá kandeé cháa ka inii ná. Ta sa'á ña kóni nda'o yu'u na, sa'á ñoo ni dankooi ña kandeé inii ndidaá ña yó'o, ta kían táto'on xe'e nooí viti, chi kóni kandaya'i cháa ka Cristo nooí, ⁹ dá konii iin nduúí xí'ín Cristo, chi ko ndúkú ka yu'u ña kían kakuui iin na ndaa noo Ndios sa'á ña keei choon sa'ándá ley Moisés. Di'a ni kasandaái kúúí iin na ndaa noo Ndios sa'á ña kándéé inii Cristo, chi mií Ndios ni xi'o ña kakuui iin na ndaa noo mií ná sa'á ña kándéé inii ná. ¹⁰ Chi ña kóni yu'u kían kandaá cháa ka inii sa'a Cristo Jesús, chi kónii korndodói ndée, ña ni danátaki ñaá. Ta kóni ta'anii ña ndo'o nímaí táto'on ki'o ni ndo'o mií ná, dá kasandaái ndo'i táto'on ki'o ni ndo'o na ndika cruz noo ni xi'i na, ¹¹ chi ió tandeé iní nooí ña ni'í ña natakii tein na ni xi'i.

Kóni Pablo xinkoo na nda noo ni chiná'a Ndios

¹² Ko kóni kaa ña yó'o ña sa ni kandeéí ni ni'í ndidaá ña yó'o, o sa ni kandeéí ni xinkooi nda noo kóni Ndios, tído xíka íí vái kua'in, dá kasandaái natiin ndidaá ña kánian natiin sa'a ña ni kana Cristo Jesús yu'u noo choon na. ¹³ Ñanii, ko ká'in ña sa ni kasandaái ni natiin ndidaá ña yó'o, tído ña kée yu'u kían ni dankoo yu'u ndidaá ña sa kandeé inii tá sata, ta viti ndí'i cháa ka inii kasandaái chí noo, ¹⁴ ta chó'on inii xinkooi nda noo ni chiná'a mií Ndios, dá natiin ña va'a, tá'an ña ni kana na yu'u natiin sa'á ña iin ni nduúí xí'ín Cristo Jesús. ¹⁵ Ta ndidaá yóo, na ni sisa xí'ín ña ndaa kándísa yó, ta ki'o dión kánian koo ini yo. Tá díin kandaá ini dao ka ndo sa'á ña yó'o, dá kían mií Ndios ná dátoon noo ndo ndí kían kánian kee ndó. ¹⁶ Táto'on ki'o ni kasandaá yo ni kandaá ini yo, ki'o dión ná kaka yó ko'o chí noo, ta ná ndi'ii ini yo kee yóan.

¹⁷ Ñanii, koo ini ndo kee ndó táto'on kée yu'u. Kande'é va'a ndó na kée táto'on kée ndu'u, ta dión ta'ani kee ndó. ¹⁸ Dá chi sa kua'á nda'o ta'ándá ni kasto'in xí'ín ndó ña kua'á nda'o ñayuu ndéi xaan kánó'ó ña ni kee Cristo sa'a yo ndika cruz. Ta xí'ín ndutá nooí nandió koo tukui náchina'í ndo'ó sa'a ná. ¹⁹ Ta ni'í ná ña naá ná sa'á ña kée na dión. Chi

ñā'a sásá'an va na kúú ndios noo ná, ta ñā chíndaya'i na mií ná kúú ñā ka'an noo, ta ndí'i ini ñā sa'á ñā'a ió ñayuu yó'o va. ²⁰ Tído yóó, chí induú vá nákaa ñoo yo, ta ñoo ndáti yó kixi sato'o yo Jesucristo, ñā dákaki ñāá, ²¹ dá nadaon na yikí koño ndíxi yó, tá'an ñā nátani mií, ta ndee na ñā kakian yikí koño ndato táto'on k'i'o kúú yikí koño ndíxi mií ná. Ta kee naan xí'ín ndée mií ná, tá'an ñā kéchóon na dándáki na ndidaá ñā'a.

Daá kuití ná kadij ini yo xí'ín Ndios

4 ¹ Sa'á ñoo, ñani maní mií, kóni kíi yu'u kande'í ndo'ó. Ta kadij ini sa'a ndo, ta ndo'ó kúú iin ñā ndato natiin yu'u sa'a choon kéei. Kuita toon ií ndo, ñā maní mií, xí'ín ñā kándísa ndó sato'o yo Jesús. ² Ta seí nda'avíi noo Evodia, xí'ín noo Síntique ñā iin tó'on ní ná kakuu ñaxintóni ná táto'on k'i'o kóni sato'o yo Jesús. ³ Ta seí nda'í ta'anii noo yo'ó, ta kéchóon ndaa xí'ín mií, ñā kían koo inon chindeéon ñā ñā'a yó'o, chí ni chindeé tá'an dáó ná xí'ín yu'u noo ni xionooi ni daná'i to'on va'a sa'á Jesús. Ta ni xionoo ta'ani Clemente xí'ín yu'u, xí'ín dao ka ñā kéchóon dáó xí'ín. Ta sa kándodó vá kuú ná noo libro noo kándodó kuú iin rá iin ñā ni'i ñā kataki chíchí.

⁴ Daá kuití ná kadij ini ndo xí'ín sato'o yo Jesús. Ká'an tukui xí'ín ndó, ná kadij ini ndo. ⁵ Ta k'i'o ndó ñā ná kandaa ini ñayuu ñā va'a ini ndo, dá chí sa kúyati va kuú nandió koo sato'o yo Jesús, kasaa ñā. ⁶ Ta o sa ndí'i téi ini ndo sa'á ñā ndó'o níyo ndo. Di'a ndí'i ini ndo ka'an ndo xí'ín Ndios sa'a ndidaá ñā ndó'o ndó, ta kaka ndo ñā maní noo ná, ta daá kuití naki'o ndó ndivé'e noo ná. ⁷ Ta naki'o Ndios ñā koo va'a ini ndo, ta ni ko iin kandeé kandaa ini ndi k'i'o ká'ano ñā va'a ini xí'o Ndios noo ndo. Ta xí'ín ñā yó'o kandaa ñā níyo ndo xí'ín ñaxintóni ndo sa'á ñā iin ni nduu ndó xí'ín Cristo Jesús.

Nakani ini ndo sa'a ndino'o ñā ndaa

⁸ Ndaá ñā yó'o va ná ka'in xí'ín ndó, ñani. Koo ini ndo nakani ini ndo sa'a ndino'o ñā ndaa, sa'á ndidaá ñā kánian natiin ñañó'ó, sa'a ndidaá ñā kúú ñā va'a, sa'a ndidaá ñā vii kua'an, sa'a ndidaá ñā ñóchí kua'an, xí'ín sa'á ñā va'a noo ñayuu. Sa'á ñoo tá kíán iin ñā va'a, o tá kíán iin ñā kánian natiin ñañó'ó, dá kíán nakani ini ndo sa'án. ⁹ Koo ini ndo kee ndó ndidaá ñā ni katí'a ndó tixi ndá'í, xí'ín ñā ni natiin ndó noói, tá'an ñā ni seídó'o ndó noo ni ka'in, xí'ín ñā ni xini ndo ni keei. Ta mií Ndios, ñā xí'o ñā koo va'a ini yo, daá koo va na xí'ín ndó.

Náta'an ini Pablo noo ndi ndáa mií vá ñā'a ndó'o na

¹⁰ Ni kadij nda'o ini ni kee sato'o yo Jesús, dá chí ni nandió kuéi tuku ndó ni chindeé ndó yu'u. Ta kátóni va'a ini ñā daá kóni ndo'ó chindeé

ñáá ndó, tído kọ ní ní'i ndo ndi kee ndó chindeé ndó yu'u. ¹¹ Kọ ká'in ña yó'o xí'ín ndó sá'á ña xínñó'í dao ká ña'a, dá chī sá nī kati'a va yu'u náta'an inii noo ndi ndáa mií ña ndó'i. ¹² Dá chī ná'á vá yu'u koo nda'ávii, ta ná'á ta'ani yu'u koo va'i. Sā nī kati'a va yu'u náta'an inii noo ndidaá ña ndó'i, dá chī náta'an va inii va'ará koó ña'a kaxíí o ió ña, ta náta'an ta'ani inii va'ará koó ña'a nooí o ió ña, ¹³ chī ndidaá ña yó'o kándéé yu'u kéei, chī mií Cristo kúú nā chindeé ñaá.

Kọ kámani ni iin ña'a noo Pablo sá'á ña nī ku'u ini nā Filipos sa'a ná

¹⁴ Tído va'a nda'o nī kee ndó sá'á ña nī chindeé ndó yu'u tein tandó'ó ndó'i. ¹⁵ Ta sá ná'á vá mií ndo'ó, nā ñoo Filipos, ña nda rá mií sa'a, tá nī sá káai nī daná'i to'on va'a sa'a Jesús tein mií ndó, dá nī ketai kuendá Macedonia kua'in, ta ni iin tó'ón ta'on dao ká nā kúú kuendá Jesús ndéi dao ká ñoo kọ ní chindeé ta'on na yu'u, sava'a ndo'ó va kúú nā nī chindeé ñaá. ¹⁶ Dá chī tá nī sá ioi ñoo Tesalónica nī kemáni ndo yu'u, chī nī tanda'á ndó ña xínñó'í nī saaan, ta o duú iin tó'ón ni ta'ándá nī kee ndó dión. ¹⁷ Kọ ndúkú ta'on yu'u ña kían daá kemáni ndo yu'u. Ña kóni yu'u kían ña mií Ndios ná nandió né'e na ña va'a noo ndo sá'á ña chindeé ndó yu'u. ¹⁸ Chī sá nī natiin yu'u ndidaá vá ña'a nī tanda'á ndó vei noóí, ta kọ kámani ni iin ká ña'a noóí, sá ió va'a vei xí'ín ndidaá ña'a né'e Epafrodito nī kixi na, ña kían nī tanda'á ndó vei noóí. Tá'an ña nī xí'o ndó kúú tát'on iin ña támi sá'an noo Ndios, iin ña nī doko ndo noo mií Ndios, ña kían náta'an ini nā xini nā. ¹⁹ Sá'á ñoo mií Ndios, nā ndáño'o yó, ná naki'o ndidaá ña xínñó'ó ndó tát'on kī'o ió kua'á ña kuiká ió noo mií ná noo ndato náye'e ndaa sá'á ña kúú ndó kuendá Cristo Jesús. ²⁰ Ta daá kuití ná natiin Ndios, nā kúú tatá yo, ñañó'ó. Dión ná koo.

Xí'ín ndisá'án yó'o dándí'i Pablo ña ká'an nā

²¹ Ka'an ndo ndisá'án xí'ín ndidaá ká nā kúú ñayuu Ndios, nā kúú kuendá Cristo Jesús. Ta ká'an ta'ani ñani yo ndéi xí'ín yu'u yó'o ndisá'án xí'ín iin rá iin ndo'ó. ²² Ndidaá nā kúú ñayuu Ndios ndéi yó'o ká'an nā ndisá'án xí'ín ndó, ta nā ve'e César kúú nā natiin va'a ndó ndisá'án ká'an nā xí'ín ndó.

²³ Ta ná koo ña manī xí'o sato'o yo Jesucristo xí'ín iin rá iin ndó. Dión ná koo.